

Izjava OHR-a na konferenciji za medije međunarodnih organizacija

Obraćanje visokog predstavnika povodom primopredaje Kampa McGovern

Visoki predstavnik Paddy Ashdown sutra će boraviti u Brčkom gdje će prisustvovati primopredaji Kampa McGovern od SFOR-a vlastima Brčkog. Ova primopredaja, kako će naglasiti visoki predstavnik, odražava opće napore da se aktivnosti međunarodne zajednice u BiH svedu na odgovarajuću mjeru, kako vlasti BiH preuzimaju ovlaštenja i odgovarajuće nadležnosti.

Budući da se BiH odlučno kreće putem integracije u Evropu, visoki predstavnik će u svom obraćanju naglasiti šest ključnih prioriteta za provedbu, naime konsolidacija institucionalnih struktura i operativnih kapaciteta agencije SIPA, Odjeljenja za ratne zločine pri Sudu BiH, Uprave za indirektno oporezivanje, Obavještajno sigurnosne agencije te Ministarstva za odbranu i sigurnost

Prvi zamjenik visokog predstavnika o transformaciji BiH

Prvi zamjenik visokog predstavnika Donald Hays će danas, prilikom obraćanja na konferenciji u hotelu Holiday Inn, koju organizira Bledska škola menadžmenta pozvati na generalnu promjenu stava bh. političara. Tema konferencije je "Transformacija BiH" i uloga "nosilaca promjene" u ostvarivanju transformacije.

Ambasador Hays će iznijeti stanovište da uspješni nosioci promjena znaju šta žele postići i kako će to postići, te kako

će uvjeriti druge ljude da ih prate. Politički lideri BiH su do sada redovno bili neuspješni po sve tri ove tačke.

Često se politički lideri koji znaju šta žele postići i kako će to postići uplaše gubitka vlastite popularnosti koji neminovno prati provođenje zahtjevnih reformi. U drugim zemljama u tranziciji, takvi uspješni reformatori su doživljavali da bude izglasana njihova smjena samo kako bi oni koji su ih kritikovali uživali u pozitivnim rezultatima reformi kada se oni počnu pokazivati.

Ali u praktično svakom slučaju, kako naglašava ambasador Hays, nove vlasti, iako mogu prekinuti provođenje nekih reformi ili usporiti tempo drugih, nikada ne ponište učinak reformi koje su već provedene. One prihvataju te reforme jer su uvjerljivi argumenti koji govore u prilog reformama.

Ukoliko nakon izbora od 2. oktobra budemo imali priliku vidjeti nova lica i nove ideje, novim liderima će biti potrebna jasna vizija o tome kakvu BiH žele za 10 godina. Odredište je Evropa – cilj koji može motivirati građane da podnesu neophodne žrtve kako bi na trajnijoj osnovi transformirali svoje društvo, svoju ekonomiju i svoj politički sistem. Evropa znači stabilnost, bezvizni režim, veoma stvarne izgleda na ostvarenje prosperiteta i najbolju garanciju za njihovu budućnost – Bosni i Hercegovini su potrebni uspješni nosioci promjena kako bi došla na ovo odredište.

Donio sam kopije govora koje možete dobiti poslije ove konferencije.